



VAIASO O FAATALANOAGA O VISA I AMERIKA I LE OFISA A LE AMEPASA I APIA IA SETEMA 27 – OKETOPA 1, 2010

O le Ofisa o le Amepasa o le Iunaite Setete i Apia o le a faia lana vaiaso o faatalanoaga mo Visa faa le kuata mai le aso **27 o Setema – 1 o Oketopa, 2010** mai le 9:00 – 11:00 i le taeao. O le kalena mo le faasologa o avanoa o le a tatalaina i le **Aso Lulu, 25 Aukuso 2010** mai le 3:00 i le **afiafi (taimi Apia)**. O tama ma teine aoga e mananao e talosaga mo se visa aoga e tatau ona mautinoa ua latou fesootai ma a latou lava aoga ina ia mautinoa ai ua latou maua a latou pepa ole I-20 latou te aumaia i le taimi o faatalanoaga. E matua fautuaina tagata aoga ina ia aumaia a latou pepa talosaga i taimi tatau. Na sui ia Iuni le faagaoioiga o pepa talosaga, ua otometi ma ua faigata atu. Ma talu ai o lenei faiga fou e umi se taimi e faatino ai, o le a iai ni nai avanoa mo ni faatalanoaga i le vaiaso. E fautuaina i latou uma e fia talosaga mo se visa ina ia taumafai e faamaoti se avanoa mo faatalatalanoaga.

O talosaga uma mo visa o le a talia i le vaiaso o le faatalatalanoaga, e tatau ona ave i le Ofisa o le Konesula a Amerika i Aukilani, Niu Sila i lolomi mai ai. Ona o lea tulaga, e tatau i le tagata talosaga ona faatali i le 2 – 3 vaiaso a'o faia lea gaioiga. Mo i latou e le mafai ona faatali e tatau ona tapega le talosaga ona malaga lea i le Konesula a Amerika i Niu Sila e talosaga ai mo le visa.

O le Pepa Talosaga Fou DS-160 mo se Visa Tafao i Amerika

- O tagata talosaga uma mo le vaiaso o visa mo Setema, e ao ina faatumu le pepa fou ua taua DS-160 <https://ceac.state.gov/genniv/> Faamolemole mulimuli i faatonuga mo le faatumuina o le pepa ma le faaeteete. Ao lei amataina le talosaga o le a fesili atu ia te oe mo le nofoaga o le a e tuuina mai ai lau talosaga. O tagata talosaga **UMA** e tatau ona filifilia **AUKILANI (AUCKLAND)** mo lou nofoaga. O le mafuaaga ona o le faagaoioiga e faia i Aukilani tusa lava pe na fai le faatalanoaga i Apia nei, ma e faamauina le mataupu i le igoa o le nofoaga na faatino ai.
- O le talosaga fou mo le DS-160 mo visa o e e le nofomau o se pepa talosaga ua faatulagaina le faaaoga e aoina mai ai mai tagata o loo sailia ni visa e le femalaga'ai ai, o le pepa DS-160 o le a tuuina atu i se ala talafeagai ai.

O le DS-160 o se pepa talosaga ua auiliili lelei ma e tatau ona faatumuina i faamatalaga sa'o ma talafeagai. I le faamaeaina o le talosaga mo lou visa, e manaomia se ata faapitoa mai le komepiuta, po o se mea pu'e ata faapitoa. Faamolemole faitau ma le faaeteete tulaga manaomia mo le mauaina o lou ata ma faamalamalaga o le ata http://travel.state.gov/visa/frvi/frvi_3877.html E tatau ona i ai sou ata ina ia tuuina mai ai lau talosaga. Afai e le taliaina le ata ua tuuina mai ona ua le talafeagai ma tulaga manaomia, o le a tuuina atu lava se avanoa e faaauau ai e aunoa ma se ata. I le maea ai la

ona faatumu lau pepa talosaga, ma saili sou avanoa i faatalatalanoaga e ao loa ona e tauaaoina mai se ata o lo'o i ai tulaga manaomia i le aso o lau faatalatalanoaga.

Faamolemole ia utagia mai, afai e le manuia taumafaiga i le tuuina i totonu o lou ata, e mafai lava ona faaaauau pea le faatumuina ole talosaga. Ae o lou ata, o le a mafai ona tuuina i totonu i le komepiuta e le ofisa a le Amepasa i le taimi o lau faatalanoaga.

- O le tele o vaega o le DS-160 e faigofie. E tatau ona faaavanoa pea le vaega o loo faailogaina “Optional” E iai nisi vaega e ona tuuina atu ia te oe se manatu e filifili ai “Does not Apply”. Afai o lena vaega e le talafeagai foi ia te oe, faamolemole filifili le pusa o lo'o soso'o atu ma le “Does not Apply”. O isi vaega uma e tatau ona faatumuina. Mo soo se talosaga lava, e le mafai ona e faaavanoaina se vaega taua e lei faatumuina. E tusa ai la ma lea tulaga, o soo se avanoa lava o le a faaali mai e le komepiuta “e le o sao” ma o le a le mafai foi ona toe faaaauau sei vagana ua faatumu lea avanoa. Afai lava e le o mafai ona e taliina se fesili o le a avea ma tulaga e le ono faamanuiaina ai lau talosaga atoa. O so'o se talosaga e lei atoa lelei ona faatumuina, o le a le mauaina foi se faamaoniga (barcode) e mafai ai ona talosaga mo se avanoa e fai ai se faatalanoaga.
- O le taimi e amata ai ona faatumu lau pepa talosaga, faamolemole e tatau lava ona faaaauau pea ‘ua le malolo’. O le DS-160 o le a otomeki lava ona oso le ‘taimi malolo’ (time out) pe a maea le 20 minute e le o toe faaaogaina. Ua faapolokalameina mo le saogalemu o au faamatalaga ua maea ona faatumuina. Pe a otomeki la ona malolo le komepiuta o au faamatalaga ua maea ona faatumuina o le a le toe maua mai. Ina ia puipuia mai la oe mai lea tulaga o ‘taimi malolo’, e ao lava ona manatua e sefe au faamatalaga i taimi mo le faasaoina o lau talosaga. Mo le sefeina, oomi le ki ‘Save’ o loo i le ogatotonu i le pito i lalo o le talosaga.

I le oomiina o le ki ‘Save’ o le a faasaoina le tumau ai lau talosaga. I le faasaoina tumau, filifili le ki ‘Save Application to File’. Ona oomi lea o le ki ‘Save’ o lo'o i le File Download window. Vaai se vaega o le komepiuta e sefe i ai lau faila talosaga, ona toe tatala lea ae toe oomi le ki ‘Save’ o lo'o i le vaega ‘Save As Window. O le a faatinoina lava e le masini lau talosaga i le vaega o loo faailoa mai. Pe a maea lena, ona oomi lea o le ki ‘Close’ e toe foi atu ai i lau talosaga. Ua tatau loa ona oomi le ki ‘Import Application Data’ o loo i le itulau ‘Getting Started’ e tuuina i ai faamatalaga ua maea ona faatumuina.

- Pe a maea ona faatumuina faamatalaga i le DS-160, o le a otomeki lava ona taliaina e le masini. Ua tatau loa ona lomia (print) le itulau faamauina e aofia ai se faamatalaga o numera (barcode) e faamaonia ai lau talosaga i le aso o lau faatalanoaga. E manaomia **na'o** le itulau faamaonia (confirmation page) ae le o le talosaga atoa, i soo se taimi e faagaoioi ai lau talosaga. A aunoa ma le itulau faamaonia lenei, e le mafai ona faagaoioia lau talosaga pe tuuina atu foi se visa mo oe.

O le a faaaaogaina e le au faigaluega a le ofisa Konesula faamatalaga ua tuuina i le DS-160 e faagaoioi ai talosaga mo visa faatasi ai ma le faatalanoaga (interview) e iloilo ai le tulaga agavaa o le na talosaga mo se visa le nofo mau. O le talosaga fou o le DS-160 ua suia ai le pepa talosaga o le DS-156 EVAF. Ua tuu faatasia ai pepa talosaga o le DS-156, DS-157 ma le DS-158.

FAAMOLEMOLE ia maitauina a faapea na fesoasoani se tasi ia te oe i le faatumuina o lenei pepa talosaga (e ia te oe le ua talosaga) ia mautinoa ua i ai uma faamatalaga manaomia. O lou tiute tauave, le mautinoa o le talosaga, ua faaalia ai mea moni, aemaise lava ni malaga na e faia i le Iunaite Sitete o Amerika, o ni faafitauli i le tuaoi (border) po o ni mataupu taualoa, ma nisi. O ni tulaga fete'enai i nei mataupu o le a ono le mafai ai ona maua sou visa. E ui o lea, o ni faamatalaga le sa'o e ono aliali mai ai sa e taumafai e pepelo ma e ono iu atu ai i le teena o sou visa i le taimi nei (e le toe faafoiina le tuge). Ma e ono faapea foi i le lumana. Aua le taumafai e faia ni faamatalaga sese. E tele taimi matou te teena ai se tagata ua ia taumafai e tuuina mai i le ofisa ni faamatalaga le atoatoa pe sese foi. Aua nei tupu lenei mea ia te oe.

- Mo le faatumuina o le fomu talosaga mo se visa ma faia se avanoa e feiloai ai i le aso 25 Aukuso i le 3:00 afiafi, faamolemole asiasi ane i le website <http://samoa.usembassy.gov> oomi **Visas to the U.S.**, mulimuli i le **Non Immigrant Visas**, mulimuli i le "**How to Apply**" po o le faaaoga le http://samoa.usembassy.gov/how_to_apply.html e taitai atu ai oe i le itulau "How to Apply".

Mo ni fesili talafeagai e faatatau i le DS-160, faamolemole oomi le
http://travel.state.gov/visa/forms/forms_4401.html

Faafetai,
Amepasa o le Iunaite Setete o Amerika, i Apia.